

GWASANAETHAU CYFIAWNDER

IEUENCTID GWYNEDD MÔN

GWYNEDD MÔN YOUTH JUSTICE

SERVICES



Adrodd i:	Bwrdd Rheoli GCI
Dyddiad:	26 Mawrth 2025
Swyddog yn Adrodd:	Stephen Wood
Testun:	Diweddariad Dangosyddion Perfformiad Allweddol GCI

1. Pwrpas yr adroddiad a chynnwys

1.1 Mi fydd y Bwrdd yn ymwybodol o'r materion a wynebir gan y gwasanaeth a'r BCI o ran datblygu a gweithredu'r DPA newydd, mae problemau'n parhau ac mae angen sicrhau bod pawb yn cael golwg ar y materion, a'r cynnydd sy'n cael ei wneud.

1.2 Bydd yr adroddiad cryno hwn yn hysbysu'r Bwrdd ar:

- pwrpas a pharamedrau Dangosyddion unigol.
- ein perfformiad ar 31 Rhagfyr 2024 (YDS 121).
- Gwaith adfer a datblygu cynlluniedig.

Gweler atodiad PDF DPA Tableau C3 er gwybodaeth.

2. Adolygiad Perfformiad DPA

2.1 DPA 1 Llety Addas

Mae'r DPA Llety Addas yn edrych ar y math o lety ac addasrwydd y llety ar ddechrau a diwedd y gorchymyn yn ôl y math o orchymyn. Yn ogystal, ar gyfer y rhai sy'n gadael y ddalfa, mae'n edrych ar ba mor bell ymlaen llaw y sicrhawyd llety. Mae'n ofynnol i GCI gofnodi nifer y plant yn y gymuned sydd yn cael eu rhyddhau o'r ddalfa i drefniadau llety **addas** neu **anaddas**.

- O'r 32 achos a gaewyd yn y 3ydd chwarter roedd 30 mewn llety addas (94%)
- Dros y 12 mis hyd at Ragfyr 2024 ein sgôr cyfartalog ar gyfer y 144 o achosion a gaewyd yw 87%.
- Perfformiad **DA** ar y cyfan.

2.2 DPA 2: Addysg, Hyfforddiant a Chyflogaeth

Mae'r DPA Addysg, Hyfforddiant a Chyflogaeth (ETE) yn edrych ar nifer a chyfran y plant mewn addysg, hyfforddiant a chyflogaeth yn ôl addasrwydd, math o ddarpariaeth addysg, hyfforddiant a chyflogaeth a math o orchymyn ar gyfer plant oedran ysgol a phlant hŷn nag oedran ysgol a faint o oriau a gynigiwyd ac a fynychwyd.

- O'r 32 achos a gaewyd yn Chwarter 3, roedd 19 mewn addysg, hyfforddiant a chyflogaeth addas (59%).
- Dros y 12 mis hyd at Ragfyr 2024 ein sgôr gyfartalog ar gyfer y 144 o achosion a gaewyd yw 58%.
- Perfformiad **GWAEL** ar y cyfan.
- Ychydig yn is na chyfraddau Rhanbarthol a Chenedlaethol, ond mae cymariaethau'n anodd.

2.3 DPA 3: Anghenion Addysgol Arbennig ac Anableddau (AAAA) ag Anghenion Dysgu Ychwanegol (ADY)

Mae'r DPA Anghenion Addysgol Arbennig ac Anableddau (SEND)/Anghenion Dysgu Ychwanegol (ADY) yn edrych ar nifer y plant ag AAA ar gyfer Lloegr neu ADY ar gyfer Cymru yn ôl y math o orchymyn, ag a oes ganddynt gynllun ffurfiol ar waith ac a ydynt mewn addysg, hyfforddiant a chyflogaeth addas.

- O'r 4 plentyn a nodwyd ag ADY yn y 3 Chwarter diwethaf, mae 3 wedi cael cynllun ffurfiol ac mewn addysg briodol, 75%.
- Byddwch yn sylwi fod 2 Chwarter heb unrhyw wybodaeth, roedd hwn yn gyfnod pan oeddem yn newid ein dulliau cofnodi ac roedd gwybodaeth wedi'i cholli.
- Er bod y perfformiad yn edrych yn **DDA**, y broblem sydd gennym gyda'r dangosydd hwn yw gyda'r plant hynny sy'n aros am asesiad neu sydd ag angen heb ei ganfod.
- Yn ogystal, rydym yn parhau i weithio gyda thîm data'r Bwrdd Cyfiawnder Ieuenctid i wella cywirdeb ein data.

2.4 DPA 4: Iechyd Meddwl a Lles Emosiynol

Mae'r DPA hwn yn ei gwneud yn ofynnol i GCI gofnodi faint o blant sy'n cael eu sgrinio neu eu hasesu i ddeall eu hanghenion iechyd meddwl a lles emosiynol.

Ar gyfer plant sydd eisoes mewn trefniant i gefnogi eu hiechyd meddwl a'u lles emosiynol, mae'r ffurflen yn gofyn am gael gwybod a oes cymorth mewn lle.

- Dim gwybodaeth/data ar gael ar hyn o bryd, mae'r DPA a'r casgliad data yma wedi profi i fod y mwyaf problematig i Wasanaethau a'r GCI.
- Mae'r gwasanaeth yn parhau i ddilyn ein hanghenion Iechyd Meddwl a Lles Emosiynol drwy ein Panel Iechyd mewnol (cyfarfodydd bob pythefnos) dan

arweiniad ein cydweithwyr Iechyd a CAMHS, mae plant yn cael eu sgrinio a'u hasesu lle nodir anghenion.

- Mae GCI yn parhau i weithio gyda'r Bwrdd Cyfiawnder Ieuencid i fynd i'r afael â materion.
- Statws perfformiad **Anhysbys!**

2.5 DPA 5: *Camddefnyddio Sylweddau*

Mae'r DPA hwn yn ei gwneud yn ofynnol i GCI gofnodi nifer y plant sydd ag angen wedi'i sgrinio neu wedi'i nodi am ymyriad neu driniaeth i fynd i'r afael â chamddefnyddio sylweddau ac o hynny, nifer y driniaeth wedi'i chynllunio/cynnig a nifer y plant sy'n mynychu ymyriad/triniaeth.

Bydd rhai plant ar lwyth achosion y GCI eisoes yn cael cymorth ar ddechrau eu gorchymyn. Mae'r DPA hwn yn ei gwneud yn ofynnol i GCI gofnodi lle mae hyn yn wir. Bydd hyn yn llywio dealltwriaeth o angen heb ei ddiwallu sydd gan blant ar y llwyth achosion.

- O'r 32 achos a gaewyd yn y 3ydd Chwarter roedd 7 (22%) angen asesiad a thriniaeth ar lefel Haen 2 neu uwch.
- O'r 144 a gaewyd yn y 12 mis hyd at Ragfyr, roedd angen asesiad a thriniaeth ar 14% neu 20 o blant.
- Mae ein perfformiad 12 mis ychydig yn is o gymharu â lefelau cenedlaethol, oherwydd cofnodi data anghywir neu anghyflawn yn y 2 chwarter cyntaf, mae hyn bellach wedi'i gywiro, amcangyfrifwn fod ein perfformiad yn nes at 16-20%, byddwn yn parhau i fonitro newid a chywirdeb.
- Mae'r gwasanaeth yn elwa'n fawr o weithio o'r un lleoliad â Be di'r Sgôr sy'n caniatáu fod cyfeiriadau'n digwydd yn gyflym ac yn effeithiol drwy ein Panel Iechyd.
- Mae ein hyder yn y set ddata hon yn cynyddu, rydym yn asesu bod y DPA hwn yn **gwella**.

2.6 DPA 6: *Penderfyniadau y tu allan i Lys*

Mae'r DPA hwn yn ei gwneud yn ofynnol i GCI gofnodi: nifer y plant ag ymyriadau sy'n dod i ben yn y cyfnod, nifer y plant a gwblhaodd y rhaglenni ymyrraeth yn y chwarter a nifer y plant na chwblhaodd rhaglenni ymyrraeth yn y chwarter.

- Yn y 3ydd chwarter fe wnaethom gyflawni cyfradd cwblhau llwyddiannus o 80%, mae hyn ychydig yn is na'r chwarteri blaenorol, yn bosibl oherwydd y niferoedd uchel o gyfeiriadau a llwyth achosion (bydd hyn yn cael ei adlewyrchu yn Chwarter 4 ac yna Chwarter 1 o 2025-26).
- Mae ein perfformiad o ran cwblhau'n llwyddiannus yn **DDA**, rydym wedi cyflawni cyfraddau llwyddiant o 88% dros y 12 mis hyd at Ragfyr 2024.
- Dylem gymryd i ystyriaeth y bydd cwblhau rhai ymyriadau llwyddiannus y tu allan i baramedrau arferol, mae'n cymryd mwy na 3 mis i ni eu cwblhau ar rai ymyriadau oherwydd daearyddiaeth / logisteg teithio.

2.7 DPA 7: *Gwasanaethau Ehangach*

Mae'r DPA hwn yn ei gwneud yn ofynnol i GCI gofnodi plant sy'n cael eu dosbarthu fel plentyn sydd â phrofiad o ofal ar hyn o bryd (a adwaenir mewn statud fel 'Plentyn sy'n Derbyn Gofal'), 'Plentyn mewn Angen' neu sydd ar 'Gynllun Amddiffyn Plant', 'Cynllun Ymyrraeth Gynnar' neu sy'n cael eu cyfeirio at wasanaethau Cymorth Cynnar.

Mae cofnodi'r data hwn yn annog gwasanaethau i gydweithio i gydlynu cymorth a roddir i blant o fewn yr awdurdod lleol.

- Roedd 3 o'r 32 o blant a gaewyd yn hysbys i wasanaethau ehangach, 9%.
- Am y cyfnod Ionawr i Ragfyr 24, o'r 144 o blant roedd 23 o blant yn hysbys i wasanaethau ehangach a chyfartaledd o 16%.
- Mae ein perfformiad yn debyg i'r GCI yn y rhanbarth ond ychydig yn is na'r cyfartaleddau Cenedlaethol.
- Rydym yn ansicr o'n cofnodion ein hunain yn y maes hwn, (mae staff wedi derbyn hyfforddiant pellach yn y maes data hwn yn ddiweddar) gan nad yw terminoleg yn ein system rheoli achosion yn cyfateb i gategorïau System Gofal Cymru.
- Rydym yn asesu ein perfformiad fel ei fod yn **Gwella**.

2.8 DPA 8: *Presenoldeb Bwrdd Rheoli*

Mae'r DPA hwn yn ei gwneud yn ofynnol i GCI gofnodi nifer yr uwch bartneriaid sy'n mynychu'r cyfarfodydd chwarterol, ac o'r uwch bartneriaid hynny cyflwynwyd data a oedd yn nodi ymhle roedd anghymesuredd.

Yn unol â Thelerau ac Amodau grant, bydd yn ofynnol i fyrddau rheoli gyfarfod bob chwarter. Ni fydd presenoldeb bwrdd rheoli yn cael ei integreiddio i'r system rheoli achosion. ***Felly mae'n ofynnol i GCI fewnbynnu presenoldeb â llaw i'r templed.*** Bydd y Weinyddiaeth Gyfiawnder a'r Bwrdd Cyfiawnder Ieuenctid yn monitro'r data hwn i sicrhau bod y data hwn yn gywir.

- Sylwch nad oeddem yn gallu newid y cofnod data ar gyfer Chwarter 2 a ddylai ddarllen 3 nid 2, ein gwall ni.
- Gwasanaeth Prawf a'r Heddlu yn absennol o Chwarter 1.
- Gwasanaeth Prawf yn absennol o Chwarter 2.
- Gwasanaeth Prawf a'r Heddlu yn absennol o Chwarter 3.
- Perfformiad **GWAEL**

2.9 DPA 9: *Trais Difrifol*

Mae'r DPA hwn yn ei gwneud yn ofynnol i GCI gofnodi plant a rybuddiwyd neu a gafwyd yn euog o Trais Difrifol ar lwyth achosion y GCI.

At ddibenion y DPA hwn, cofnodir Trais Difrifol yn unol â diffiniad y Bwrdd Cyfiawnder Ieuenctid fel unrhyw drosedd cyffuriau, lladrad neu drais yn erbyn person sydd â sgôr difrifoldeb o bump neu fwy sy'n arwain at rybuddiad neu ddedfryd llys.

- Mae data'n cael ei dynnu'n uniongyrchol o'r System Rheoli Achosion a gofnodwyd oddi wrth hysbysiad gan yr heddlu/llys, ychydig iawn o le i gamgymeriadau.
- Mae ein cyfraddau'n isel o gymharu â pherfformiad cenedlaethol.
- Mae'r gyfradd yn ôl 10,000 o'r boblogaeth.
- 5 trosedd yn Chwarter 3 sy'n arwain at gyfradd o 3 fesul 10,000.
- 7 trosedd ar draws y 12 mis, perfformiad anodd ei sgorio.

2.10 DPA 10: *Dioddefwyr*

Mae'r DPA hwn yn edrych ar nifer y dioddefwyr o ganlyniad i droseddau a gyflawnwyd gan blant ar lwyth achosion y Gwasanaeth Cyfiawnder Ieuenctid, y nifer y cysylltwyd â hwy, a'r nifer a gymerodd ran mewn cyfleoedd cyfiawnder adferol yn ogystal â'r rhai a ofynnodd am ragor o wybodaeth a chymorth ac a gafodd gymorth.

- Dim data ar gael, mae'r Bwrdd Cyfiawnder Ieuenctid yn gweithio i gywiro'r set ddata hon, problem genedlaethol.

3. **Argymhellion**

3.1 Mae gwell darlun o ran cofnodi ac adrodd ar DPA Cyfiawnder Ieuenctid, ond mae gwaith yn parhau gyda Gweithdai Data pellach wedi'u cynllunio gyda Thîm Data YJD, Gwasanaethau Cyfiawnder Ieuenctid a staff WIOG.

3.2 Bydd y gwasanaeth yn cynhyrchu DPA Perfformiad Cyfiawnder Ieuenctid ym mhob Bwrdd Rheoli (heb ddisgrifyddion) i fonitro newid.

3.3 Mae'r gwasanaeth yn gofyn i'r Bwrdd Rheoli ddewis 2 DPA fesul cyfarfod ar gyfer dadansoddiad dwfn o yrwyr perfformiad.

3.4 Amlinellir y newidiadau drafft diwygiedig i fesurau DPA Cyfiawnder Ieuenctid yn Atodiad 1, (gweler isod).



DRAFT_OFFICIAL_SE
NSITIVE_KPI refineme